

Saksprotokoll i fylkestinget – 13. og 14.12.2016

SAKSBEHANDLING

Sakene vart behandla i slik rekkjefølgje:

- 13. desember: PS 91/16, 94-95/16
- 14. desember: PS 121/16, 93/16, 96-97/16, 92/16, 98-119/16.

OPNING AV FYLKESTINGET – 13.12.2016

Til å skriva under møteboka saman med fylkesordføraren vart Mona Røsvik Strømme (H) og Daniel Charles Hextall (SV) valde.

Fylkesordføraren gjorde framlegg om at møteboka vert godkjend av fylkesordføraren og dei som vart oppnemnde til å skriva under møteboka. Fylkestinget slutta seg til dette.

Det var kulturinnslag ved elevar frå **Langhaugen videregående skole**.

Fylkesordføraren heldt opningstalen sin til fylkestinget.

Fylkesrådmannen heldt sin tale.

Etter talane var det ordskifte. 7 representantar hadde ordet.

MEDALJEVINNARAR I YRKES-NM – 14.12.2016

Hordaland fylkeskommune var i år vert for landets største arrangement for yrkesopplæringa. Meisterskapen vert arrangert annakvart år av WorldSkills Norway i samarbeid med ein fylkeskommune. Yrkes-NM 2016 for ungdom vart arrangert i Bergen 17.-20. oktober.

Ti medaljevinnarar frå Hordaland vart heidra. Fylkesordførar Anne Gine Hestetun overrekte utmerkinga.

Plassering	Fag	Namn	Arbeidsgjevar	Opplæringskontor
1	Barne- og ungdomsarbeidarfaget, NM	Silje Marie Olaussen (lag)	Bergen kommune	Bergen kommune
1	Barne- og ungdomsarbeidarfaget, NM	Madelen Nilsen (lag)	Bergen kommune	Bergen kommune
1	Betongfaget, NM	Sebastian Schuurmann Hess	Stoltz Entreprenør AS	Byggopp
2	Bilskadefaget, NM	Joakim Birkeland	Jæger Sentrum AS	Bilbransjens opplæringskontor
2	Elektrikarfaget, NM	Harald Rytter	Torsvik Elektro AS	OKEL
3 (delt)	Helsearbeidarfaget, NM	Julie Osa Horgen	Hordaland	Bergen kommune
1	Murarfaget, NM	Vidar Oma Færøy	Brødrene Ulveseth AS	Murerfagets opplæringskontor
nn	Rørleggjarfaget, svenneprøveavlegging for 5 personar	Sander H. Waage	Chr. M. Vestheim	Oppl.ktr. rørleggjarfaget

1 (delt)	Sveisefaget, NM	Alf Sundal	Kværner Stord	Ytre Sunnhordland oppl.ktr.
3	Ventilasjons- og blikken- slagarfaget, NM	Joakim Nygard	KM-Ventilasjon AS	Blikkenslagmestrene

IDRETTSPRISAR – 14.12.2016

Hordaland fylkeskommune si utmerking for **særlege idrettsprestasjonar** 2016 vart tildelt:

Kristoffer Brun	Bronsemedalje i roing - dobbelt sculler lettvekt	OL i Rio 2016
Stine Skogrand	Gullmedalje Håndball	VM København, Danmark 2015
Stian Schetlein	Gullmedalje i vannjet - parallell slalom SKI GP 1 og Sølvmedalje Ski GP1 Vannjet	VM i Shanghai, Kina 2016 VM Denia, Spania 2016
Sverre Lunde Pedersen	Sølvmedalje i skøyter - lagtempo Bronsemedalje i skøyter - 5000 meter og Sølvmedalje i skøyter - All-round	VM Kolomna, Russland 2016 VM Berlin, Tyskland 2016
Monika Engeset	Sølvmedalje i kickboksing - Point fight	VM i Dublin, Irland 2015
Daniel Svae Andersen	Sølvmedalje i vannjet - Ski GP2	VM i Denia, Spania 2016
Milton Barrios Galarreta	Bronsemedalje i kickboksing – Fullkontakt	VM i Dublin, Irland 2015
Bjarte Vik Larsen	Bronsemedalje i styrkeløft - benkpress	VM i Killen, Texas, USA 2016
Ulrik Berntsen	Sølvmedalje i vannjet - Ski GP3	VM i Denia, Spania 2016
Andreas Bakkerud	Bronsemedalje i rallycross	VM samanlagt
Cecilia Brækhus	Verdsmeister i proffboksing i klassen weltervekt	Oslo 2016
Trond Nymark	Gullmedalje kappgang – 50 km	VM i Berlin 2009

Hordaland fylkeskommune si markering av særlege idrettsprestasjonar er ei utmerking som heng svært høgt. Det er idrettsprestasjonen som kvalifiserer utøvarane til en slik utmerking. Kravet er medaljeplassering i verdsmeisterskap eller olympiske leikar. Verdsrekordar og siger i verdscupen samanlagt kvalifiserer også til fylkeskommunen si utmerking. Utøvarane må representere ein klubb frå Hordaland.

Fylkesordførar Anne Gine Hestetun overrekte utmerkinga.

Hordaland fylkeskommune sine **utviklingsstipend i idrett** for 2016 vart tildelt:

Didrik Wie-Soltvedt, f. 1996	Roing	Bergen Roklubb
Sindre Henriksen, f. 1992	Skøyter	Fana IL
Sindre Ure Søtvik, f.1992	Kombinert	Eldar IL

Markus Lie, f. 1995

Mariell Gaasand Straume, f. 1997

Symjing

Kickboksing

Bergensvømmerne

Fana Kickboksingklubb

Kvart stipend er på kr 25 000. Utdelinga vart gjort av leiar i utval for kultur, idrett og regional utvikling, Beate Husa. Mariell Gaasand Straume takka på vegner av utøvarane.

Fylkeskommunen sine utviklingsstipend innan idrett kan tildelast einskildutøvarar, trenarar og dommarar. Ein person kan berre få slikt stipend ein gong. Målet med stipenda er å gje mottakarane stimulans og høve til vidareutvikling i si idrettsgrein. Ved tildelinga av stipend vert det lagt vekt på: idrettsprestasjonar, potensial og planar for vidare satsing innan idretten.

YMSE

Passasjertal

I fylkesutvalet 08.12.2016 bad **Silja Ekeland Bjørkly (H)** om slik informasjon:

- «Ber om at nye passasjertall for Bybanen fremlegges til fylkestinget 13.-14. desember i forbindelse med behandling av kollektivmeldingen.
- Passasjertall fremlegges for utvalg for miljø og samferdsel og fylkesutvalget kvartalsvis heretter.»

Fylkesrådmannen svarte slik:

«Ved utgangen av tredje kvartal 2016 har ein totalt om lag 42,5 millionar påstigande passasjerar i Hordaland, 37 millionar av desse er påstigande i Bergensområdet. Om lag 7,8 millionar av desse er reisande med Bybanen. Totalt for 2016 reknar ein med vel 56 millionar påstigande passasjerar i Hordaland, der 10,6 millionar av desse har reist med Bybanen. Dette gir ein vekst i passasjertal for 2016 på 3,6 prosent samanlikna med fjoråret. Skyss har i dag ikkje modellar som gjer det mogleg å hente ut reisetel for einskild dagar på Bybanen. Automatisk passasjerteljing i to bybanevogner indikerer eit tal på reisande på kvardagar i størrelsesorden 40-50 000.

Berekninga av passasjertal er basert på ein modell etablert i 2014, der billettsal og validering av billetter er dei sentrale elementa. Billettsalet er den sikraste kjelda, men denne gir ikkje informasjon om fordeling mellom transportmiddel. Til å rekne ut dette har ein tradisjonelt nytta data frå validering. I dag kjøper snart 60 prosent av dei reisande i sone Bergen billett på mobil, slike billetter vert ikkje validerte, og det vert heller ikkje lengre stilt krav til validering av periodebilletter anna enn for aktivering. Ved hjelp av data frå utstyr for automatisk passasjerteljing vil ein i 2017 arbeide med ein ny modell for berekning av tal på reisande og fordeling av reisande mellom dei ulike transportmidlane. Slikt utstyr vert montert i dei einskilde bussar og bybanevogner, og gjer det mogleg å registrere alle på- og avstigande passasjerar på det aktuelle transportmiddelet.

Utfordringa med gode tal for påstigande er ei felles problemstilling i heile kollektivbransjen både nasjonalt og internasjonalt, og forslaga til endringar i modell for Hordaland byggjer på erfaring også frå andre stader og er i tråd med det som vert gjort av andre aktørar, som til dømes Ruter i Oslo/Akershus. Innføring av ein ny modell kan medføre at reisetel etter ny modell ikkje vert direkte samanliknbare med dagens reisetel, ulempa med dette er likevel vurdert som langt mindre enn føremonen ved å få betre og meir detaljerte tal for reisande.

Fylkesrådmannen vil i 2017 leggje fram informasjon om arbeidet med ny modell for berekning av talet på reisande.

Passasjertal vil i 2017 bli framlagt for utval for miljø og samferdsel og fylkesutvalet kvartalsvis.»